

Soahpamuš

Gielddaráđdehus 28.2.2022 § 27

Gielddahoavda Taina Pieski hoavdasoahpamuš**1. Soahpamuša vuđđosat**

- Soahpamuš vuodđuduvvá gielдалága 42§:ii
-
-

2. Soahpamuša dahkki oassebealit

- Ohcejoga gielda ovddasteaddjin gielddaráđdehus
- Gielddahoavda Taina Pieski

3. Gielddahoavdda barggut, deaddočuoggát ja oktasašbargovuogit

Gielddahoavda jodiha ja ovddida gielddaráđdehusa vuollásažžan gieldda hálddahusa, ekonomii ja eará doaimma sihke doibme gielddaráđdehusa čoahkimiid áššemeannudeaddjin.

Gielddahoavda doibme gielddaorganisašuvnna ja gielldakonseartna jodiheaddjin, ovddasta gieldda sihke geavaha gieldda hállanválddi gielдалága ja gieldda dohkkehan njuolggadusaid ja rávvagiid mielde. Gielddahoavda vástida organisašuvnna doaibmamis, siskkáldas jodiheamis ja barggu organiseremis. Gielddahoavdda doarjjan doibme su ásahan stivrenjoavku.

Gielddahoavdda barggu deaddočuoggát vuodđuduvvet váldostivrra dohkkehan gielldastrategiijai ja barggu stivrejit gielldastivrra ja gielddaráđdehusa mearrádušat.

Gielddahoavda galgá doibmet objektiivvalaččat ja váldit vuhtii ee. sierra politihkalaš joavkkuid, váikkuhandoaibmaorgánaid ja gielдалaččaid.

Gielddahoavda hálddahuslaš ovdaolmmožin doibme gielddaráđdehusa ságadoalli.

4. Gielddahoavdda barggu gáibádušat**4.1. Jahkásaš ulbmilat ja daid árvvoštallan**

Gielddahoavdda barggu ulbmilat meroštallojit jahkásaččat čađahuvvon gielddaráđdehusa, gielldastivrra ságadoalli ja gielddahoavdda gaskasaš ovddidanságastallamis sihke gielddaráđdehusas čađahuvvon ulbmil- ja árvvoštallanságastallamis. Dát ságastallamat čađahuvvojit jahkásaččat guovvamánu loahpa rádjai. Ovddidanságastallamiin árvvoštallat gielddahoavdda barggu lihkostuvvama, hoavdasoahpamuša čuovvuma ja gieldda boahteáiggeoidnosiid. Ovddidanságastallamiin čállojuvvo luhtolaš muittuhančála, mii buktojuvvo gielddaráđdehusa lahtuid dihtui. Čoahkkáibovdejeaddjin doibme gielddaráđdehusa ságadoalli. Lassin gielddahoavdda barggu deattuhusat meroštallojit guđege váldostivrra badjái, guđege váldostivrabaji loahpa rádjai seamma oktavuodas, go váldostivrra dohkkeha gielldastrategiija beaivádeami iežas váldostivrabadjái.

4.2. Bálká ja bálvalangaskavuoda eavttut

Gielddahoavda lea 31.1.2022 gielldastivrra mearrádušain välljejuvvon doaisttázii fámus leahkki virgegaskavuhtii. Gielddahoavdda virggis lea guđa (6) mánotbaji geahččalanáigi. Virggi dikšun álgá 1.3.2022; geahččalanáigi joatkašuvvá 31.8.2022 rádjai.

Gielddahovdii máksojuvvo bálká, mii lea virgegaskavuoda álggedettiin 7500 euro mánotbajis ja lassin geavahusas lea telefonovdu (dál 20 euro). Gielddahovdii eai máksojuvvo gearde- eai ge boadusbálmávssut dahje eará ovddut, jos gielddaráđdehus ii dain sierrá mearrit.

Bálká dárkkistuvvo váldoáššis dušše gielldasuorggi oktasaš bajádušaid mielde virgedoaimma álggu rájes, jos bajádušaid birra ii eará sohppojuvvo hoavdasoahpamuša oktavuodas. Bálká

dárkkisteamis ja gielddahoavdda bálkká rievdamis váldojit vuhtii danveardásaš virgegaskavuoda bálkkát.

Gielddahoavddas lea oppalaš bargoáigi, iige sutnje ná mákso sierra buhtadus badjeláiggebarggus jos ii gielddaráđđehus geahča dan govttolazžan. Gielddahoavddas lea vuoigatvuota iehčanas áigegeavaheami plánemii muhto eaktuduvvo, ahte virgebarggut šaddet dikšojuvvot áššáigullevaččat. Virgeeavttut mearrašuvvet muđui GVBES mielde. Gielddahovdii bargoadi lea váldán almosorganisašuvnna hálldahusa vástu-, opodat-, vahát- ja vuoigatvuodadorvooaju.

4.3. Bargoáiggi geavaheapmi ja luohttámušbarggut

Gielddahoavddas lea vuoigatvuota váldit vuostá gieldda dáfus ávkkálaš ja su ámmátdáiddu ovddideaddji luohttámušdoaimmaid dahje almmolaš servodatlaš ovdáneami ovddideaddji doaimmaid, main ii leat hehttehus virggi dikšumii.

Gielddahoavddas lea vuoigatvuota bargat gáiddusbarggu iežas vihkkedallama vuodul, bargguid nu gáibidettiin dahje ahte lea muđui nu vejolaš dahkat. Vuigiid birra sohppojuvvo gielddaráđđehusa ságadoalliin.

Gielddahoavda heiveha oktii iežas jahkeluomu ovttas eará hálldahushoavddaid jahkeluomuiguin ja iežas bargguiguin ja almmuha jahkeluomuid áiggi gielddaráđđehusa ságadoallái.

4.4. Bargoburesveadjin ja máhtu ovddideapmi

Gielddaráđđehus vástida gielddahoavdda bargoburesveadjimii laktáseaddji áššiin ja jos lea dárbu soahpat mas nu sierranas áššis, sohppojuvvo das jahkásaččat čadahuvvon ovddidanságastallamiin.

Gielddahoavddas lea geatnegasvuota fuolahit ámmátdáiddustis ja doallat dan áiggedásis sihke oassálastit barggu dikšuma dáfus dárbbalaš ja virgesaji doarju skuvlemiidda bušehtas várrejuvvon mearreruđaid olis.

Joatka- ja dievasmahttin skuvlemis, mii lea viidásut ja spiehkkaša dábálašvuogis, sohppojuvvo gielddaráđđehusa ságadoalliin.

4.5. Mátkkit ja buhtadusat

Ruovttueatnama bargo- ja virgemátkkiid gielddahoavda dahká iežas vihkkedallama vuodul almmá sierra mátkemearrádusa haga ja geavaha iežas válljen vuogálamos ja gildii oppalaš ekonomalaččat árvoštallon hálbbimus mátkkoštanvuogi, váldimiin vuhtii GVBES mátkegoluid buhtadusnjuolggadusaid ja gieldda bušehta. Gielddahoavda dieđiha virgemátkkiid birra gielddaráđđehusa ságadoallái. Gielddahoavdda mátkerehkegiid dohkkeha gielddaráđđehusa ságadoalli.

Jos gielddahovdii čujuhuvvon bovdehus ovddastit gieldda lea čujuhuvvon maid guoibmái dahje dilálašvuoda luondu eaktuda guoimmi oassálastima dilálašvuhtii, gullet guoimmi mátkegolut buhttenvuloš goluide. Dáin ja eará virgemátkkiid goluin, mat spiehkkašit dábálaš vuogis, sohppo sierra gielddaráđđehusa ságadoalliin.

5. Gielddahoavdda ja gielddaráđđehusa gaskasaš bargujuohku

Gielddaráđđehusa ságadoalli jođiha gielddastrategiija sihke gielddaráđđehusa doaimmaid ollašuvvama eaktudan politihkalaš oktasašbarggu geavvamiin áššiid gáibidan ságastallamiid iešguđege politihkalaš joavkkuiguin sihke doallamiin heivvolaš vugiin oktavuoda gieldda olbmuide ja eará čanusjoavkkuide.

Gielddahoavda fas jođiha áššiid válmmaštallama, hálldahusa ja ekonomiiija bargoveahkaorganisašuvnnaiguin.

Politiikalaš njunnošat eai oassálastte beaivválaš jođihepmái eaige gieldda praktihkalaš doaimmaide iige gielddahoavda oassálastte politihkalaš jođihepmái ja doibmii. Jos šaddá dárbu ságastallat dahje darvánit ovdamearkka dihte bargoveaga jođihepmái gullelaš geavadagaide dahje gieldda bargiid vuohkái doibmet barggustaset, galgá dat dáhpuhuvvat gielddahoavdda bokte. Eahpečielga dáhpuhusain áššit čovdijit vuosttas sajis ráđđehusa ságadoalli ja

gielddahoavdda gaskasaš ságastallamiin. Dárbbu mielde ságastallamiin gullat hálddahussurggiin doaibmi jodihangottiid.

6. Meannudanvuogit ruossalašvuodadiliin ja earrobuhtadus

Dán soahpamuša guoski sierramielalašvuodaid figgat čoavdit ovdasajis soahpamuša dahkki oassebeliid gaskasaš ráđđádallamiin. Gielddaráđdehusa ságadoalli jodiha proseassa vejolaš gielddahovdii čuohcci eahpeluohttámuša čielggadeami dihte. Gielddaráđdehusa ságadoallit ja váldostivrra ságadoallit čađahit dárbbaslaš ságastallamiid gielddahoavddain.

Jos gielddaráđdehus, váldostivrra ságadoallit ja gielddahoavda ovttaš gávnnaht, ahte gielddahoavda ii návddaš politihkalaš njunnošiid luohttámuša, gielddahoavda čatnasa cealkit iežas eret guđa (6) mánotbaji bálkkáveardásaš earrobuhtadusain ja go virgegaskavuohča lea bistán golbma (3) jagi de guovttenuppelot (12) mánotbaji bálkkáveardásaš earrobuhtadusain. Jos bargoadi cealká eret gielddahoavdda virgegaskavuodas, máksojuvvo gielddahovdii ovddabeale bihtás meroštallon láchkai bálkkáveardásaš earrobuhtadus almmá bargogeatnegasvuodá haga. Jus luohttámušváilli geažil lea biddjon johtui gielddalága 43§:a mielde eretcealkinmeannudeapmi nappo jos ášši bohtá giedahallamii gielddaráđdehusa evttohusas ja unnimustá njealjatoassi áirasiin lea dahkan dasa guoski álgaga, gielddahoavddas lea vuoigatvuohča oazžut buhtadussan guđa (6) mánotbaji bálkkáveardásaš earrobuhtadusa ja go virgegaskavuohča lea bistán golbma (3) jagi guovttenuppelot (12) mánotbaji bálkkáveardásaš earrobuhtadusa eaktun lea, ahte son ieš cealká eret virggistis. Mearreáigi rehkenastojuvvo čuovvovaš kaleandarmánotbaji álggu rájes das go ášši lea bohtán giedahallamii. Dás oaivvilduvvon earrobuhtadus máksojuvvo almmá bargogeatnegasvuodá haga ja dat sisttisdoallá eretcealkináiggi bálkká.

7. Hoavdasoahpamuša oppalaš árvoštallama vuogit

Ulbmilin lea, ahte gielddahoavdda hoavdasoahpamuš dárkkistuvvo oktii váldostivrabajis, jos ii nuppe láchkai sohppojuvvo.

8. Fápmuiboahhtin

Dát soahpamuš bohtá fápmui, go gielddaráđdehus ja gielddastivrra leat dan dohkkehan ja dat lea vuolláičállon. Soahpamuša sáhtá rievdatit guktuid oassebeliid oktasaš miehtamiin.

Vuolláičállán oassebealit čatnasit iežaset doaimmain ja láhttemiin ovddidit gieldda politihkalaš ja ámmátlaš njunnošiid gaskasaš luohttámuša sihke buori ja rabas ságastallan- ja mearrádusdankkultuvrra.

Dán soahpamušas leat čállojuvvon guokte seammalágan stuhka, okta goappáge soahpamuša dahkki oassebeallái.

Áigi ja báiki

Ohcejogas 28 beaivve njukčamánu 2022

Väinö Guttorm
Ohcejoga gielddaráđdehus,
gielddaráđdehusa sj.

Taina Pieski
gielddahoavda